

Nyasaye Marahuma

Eunice Ogoma

An abiro wer...

Ana ting duonda malo...

Makata piny duto odagi...

Ana yor gi ayora.

An abiro wer...

Ana ting duonda malo...

Makata osiepe duto ringo

Ana yor gi ayora.

Yawuoyi donge osewero, adiera nyiri ma gihero e ngima gi,

To koro abende miya uru thuolo, adwaro wero osiepna.

Nyiwa bende osendendo, mana yawuoyi ma gihero e ngima gi,

To koro an bende miya uru thuolo, adwaro dendo jahera na.

Jo thumba donge osewero,

Mana jotelo ma giluro e ngima gi,

Omiyo abende wena uru thuolo...

Adwaro wero Jatenda

Jo thumba donge osewero,

Mana jotelo go makonyo ngima gi,

Kawuono abende koro adwaro thuolo,

Adwaro pake Jawarna...

Esama achako wer, adwaro wero osiepna

Nyasaye marahuma,

Yawa seche mawero wenda ni we mondo aluong nyinge Sibuur Ruodhi ngima

En ema ochueyo polo, ochako ochieyo piny be Nyasaye ma Jachuech

En ema ochueyu dhano kido machalo kode, Nyasaye Ma jaber

Adiera en ema oketo wanj chieng' sulwe go dwe e polo, Nyasaye marahiri

En ema oketo odiochieng pogore gi otieno

Nyasaye ma Jarieko

Omiyo sama aluongo Nyinge to kik aketie tugo Nyasaye ngama ng'ongo,

Kendo seche ma achogo nyinge to kik aruakie mila Nyasaye ngama iluro...

Donge en ema oguedho luce kendo omiyo gidhodho Nyasaye mar honde,

Bende en ema omiyo wa ngima to okawo e seche ne ma onge ngama pingo!

Mano Nyasaye ema omiyo awer...

Jehova aaaaa

Jehova

Gigo mitimo dongo, Jehova aaaaa

Tije ni donge aneno, Jehova aaaaa

In ema imiya ngima, Jehova aaaaa

Ema omiyo awer, Jehova aaaaa

"Beats..."

Yawa in ema itimo na nguono madongo e ngima naNyasaye ma ja nguono,

Wuora in ema iyiega weyo na kata ka akethoni Nyasaye ma jahera...

Adier in ema iyie ga lima kinde ma adong' kenda, Nyasaye ma jalimbe...

Baba in ema iyiega pidha kata ka aonge chiemo Nyasaye ma jaritna

Adiera in ema iruaka nanga kinde ma duk olima, Nyasaye ma ja chiwo,

Kendo in ema ichulo gope na ka jobedho oramo ma onge kaka atimo

Adier in ema ikedo na luenje magoyo ngima na, Nyasaye ma ja kedo...

Kendo in ema ichuero remo ma ngima kalivari misango ni oromo,

Yaye Nyasaye awuoro ng'uono ni...

Jehova aaaaa

Awuoro hera ni...

Jehova

To dang' achuli nade, Jehova aaaaa

We mondo adhiali osiepa, Jehova aaaaa

In ema iromo chunya, Jehova aaaaa

Ema omiyo awer, Jehova aaaaa

Eee samoro igeno osiepe mago ma oheri ahinya kara giwuondi awuonda,

Osiepe nene osingo na gigo mangeny e ngima na kendo ne amor ahinya,

Bange ka ochopo kinde ma koro amoko ne giloko paro...

Osiep kendo olokona kido ka koro okiaya ngama dikonya ere...

Jomoko temo jiwa ni mondo adhach adhacha wan awana kanyakla...

Osiepe moko bende ojiwa ni mondo akas akasa pok na rita dala...

Yawa makata awuotho duk to an amor amora lau naruak e dala...

Nyithiwa kata anindo kech

Be mago ok ochuno, chiemo na chiem e dala...

Adiera chunya nene okethore geno na bende orumo paro mang'eny odonjo,

Seche go to Anyuola bende penjore gima mona dhi tedo kendo gi wuoyo ahinya...

Bange gichako wacho ni gimoro rach koda, anyuola joma ngeyo...

In mbeseni osetedo te ma moko duogo aduoga ang'o ma pod irito?

Koro wadwaro manyo ni dichuo moro okendi ndalo ni koro okadho...

Achien ka ne gi neno nguono mane Nyasaye itimo kendo koro gipako...

Koro gichako Jiwa ni Ayuni lem alema Nyasachi kara ngima,

Omiyo agoyoni ero kamano Nyasaye moserita wecheni chopo kare...

Nikech imiya oda, kendo irito ngima gi in ema iromo winjo.

Wuora in ema iyie ga kuanya kinde ma aluar e buru Nyasaye ma ja Nguono

Kendo in ema iseko keta mondo achieme gi ruodhi mesa ma ipedho oromo

Yaye Nyasaye ango ma mona luongi Yawa.

Loch ni obiiii...

Ang'o ma mona paki, Lo chni obiiii...

Baba itimo na madongo, Lochni obiiii...

Eee yuak na donge iwinjo, Lochni obiiii...

Oooh da miyi ango Ruodha, Lochni obiiii...

Itimo na madongo, Loch ni obiiii...

Adier ichako imaya geno, Loch ni obiiii...

Ee sama geno orumo, Loch ni obiiii...
Miyo onge maloyi kendo, Loch ni obiiii...
Sani gi ndalo duto...
Loch ni Obiii...

Lyrics Submitted by ODINDO

Lyrics provided by
<https://damnyrics.com/>